

Visoki predstavnik odgovara korisnicima i vlasnicima fabrike akumulatora u Potočarima

Visoki predstavnik, Paddy Ashdown, danas je poslao pismo Radomiru Zekiću, direktoru, kao i dioničarima i korisnicima fabrike akumulatora "AS" u Potočarima pored Srebrenice. U svom pismu, visoki predstavnik podsjeća gospodina Zekića da je odluka kojom je vlasništvo nad fabrikom akumulatora preneseno na Fondaciju "Srebrenica-Potočari spomen obilježje i mezarje" donesena nakon što su provedene konsultacije sa organima vlasti Republike Srpske (RS), koji su se složili sa ovim potezom. Organi vlasti RS su imenovali komisiju čiji je zadatak da utvrdi nadoknadu koju RS treba da isplati sadašnjim vlasnicima i korisnicima fabrike akumulatora.

Ukoliko ova komisija ne bi došla do zaključka u okviru zadatog roka to ne bi uticalo na pravo Fondacije "Srebrenica-Potočari spomen obilježje i mezarje" da uđe u posjed pomenute lokacije. Komisija je imala šest mjeseci za donošenje zaključka ali to još uvijek nije učinila. OHR je u nekoliko navrata podsjetio organe vlasti RS kao i komisiju koju je imenovalo Ministarstvo finansija RS na njihovu obavezu da osiguraju odgovarajuću nadoknadu za trenutne korisnike i vlasnike fabrike "AS".

Prilikom donošenja odluke o prenošenju vlasništva, u martu ove godine, visoki predstavnik je rekao "lokacija na kojoj se nalazi fabrika akumulatora ima posebno mjesto u sjećanju srebreničkih porodica, budući da je to mjesto na kome su mnogi od njih posljednji put svoje bližnje vidjeli žive". Odluka visokog predstavnika ima punu podršku Fondacije "Srebrenica-Potočari spomen obilježje i mezarje". Izvršni odbor ove

fondacije odrediće buduću namjenu lokacije na kojoj se nalazi fabrika akumulatora nakon konsultacija sa porodicama stradalih.